

'Sëédhe 'ö Pɔdhö -ya bɔ Atanna -bha me -nu 'wo Kodhɔsö -pö 'gü -a -nu -dhe

-Tuabhonao

1 ¹Mang Pɔdhö -me 'ö -dhi Atanna -në- -dhe 'yö n -ya Yesu Klisi -bha bɔme 'ka bha yaa- Timote 'ö kweng- -nu -gban 'kwa dheebhang do 'ka Yesu -bha zian -ta bha -në 'yi 'sëédhe ya- -ben zë.

²Yi 'sëédhe ya- -ben -zë kö 'yi- bɔ 'me 'ka yi dheebhang -nu 'ka 'ö 'ka -ya -sü 'ka -dɪ -wɔn "dhiü Klisi -bha 'ka, 'ö 'ka -kplü -sü 'ka- -bha kpenngkpenngdhö Kodhɔsö -pö 'gü bha -në- ka -dhe. Yi- -dhe Atanna -gɔ kö -yö ö -bha -gasite waa- -bha zuëwaanüsü bha- nu ka -dhe -kpeawo.

Bhea" 'ö Pɔdhö waa- Timote -wa wo

waa- Atanna nue" 'wo- bho Kodhɔsö -me -nu -wɔn 'gü -a -dhiang 'ö- zë

³'Yi bhea" sië Atanna -dhe ka -wɔn 'gü, yö 'ö -kë kwa Dëme Yesu Klisi Dë 'ka bha yi- nue" bho -kpeawo. ⁴-A -gen -mü -dhe ka -bha -zɪ -yö Yesu Klisi -dhe -sü waa- -dhɔ 'ö 'ka- -kë Atanna -bha me -nu "pɛpɛ -gban 'ka bha 'ya- ma (Epaflasö -ta). ⁵-Ya 'go mü 'zü yi- ma -sü 'ka -dhe Atanna 'dhö ka -dhekpaɔ dhia" saan 'ö- -ya -sü 'ka dhang- 'gü bha, ka ka "yan 'to sië yö -në- -gɔ. 'Sa -dhekpaɔ dhia" saan 'ö -ya -sü 'ka ka -gɔ "dhü bha -në 'ka zë- -wɔn -dhe 'yö 'ka ka "yan 'to sië Yesu -gɔ klöklödhö. 'Mɛ 'wo bɔ- 'ka -a -nu -dhɔ -yö ka -kë 'pö yö -në- -wɔn 'gü. -A -gen -mü -dhe -dhekpaɔ dhia" saan 'ö "dhü bha 'ka- -wɔn ma 'nu naɔ -së 'ö go Atanna "piü 'ö tɛanwɔn -ta -pu me -dhe bha- -pö ka -dhe "töng 'gü. ⁶Wɔn -taɔng -së 'ö "dhü bha- -wɔn -yö

sa -në- wo sië "kpungtaadhe -gban "pepe 'gü do 'ö dho- 'ka. -Yö =trɔɔn -së kē sië -dhe 'ö "dhü -a -gban "pepe 'gü 'pö do 'ö dho- 'ka -dhe -kɔ 'ö- kē sië- 'ka ka -gɔ "se 'gü mü bha- 'dhö. Kē 'ö- wo sië "dhü bha- zü 'yii bho -dɛɛ, -a zü- -bho yi 'ö 'ka Atanna -bha -gasitɛ -naɔ bha- -wlöö 'kpakpadhɔ =dede ma- 'ka bha- 'ka. ⁷Epaflasö 'ö -kē yi "tayɔɔ dhɔɔbhaasü 'ka Atanna -bha yē ya- kē -sü 'gü bha -nɛ naɔ -së bha- pö ka -dhe. Yē 'ö- kē sië mü bha -ya -kē yii- kē 'gü, -a -gen -mü -dhe Klisi -bha yēkēme 'ö mɛ- -mɔɔ- -bha me 'dhang bho- kē -yē "dhiü yö -mü. ⁸Yö -në nu 'yö -dho 'ö Atanna -bha 'Nii- "slüöslü -ya -ya ka 'gü bha- -dhiang zē yi -dhe.

⁹Yö -në- -wɔn 'gü 'yö yii -dɪ 'pö yi 'gü 'yaa ga -bhea Atanna -dhe -sü 'ka ka -wɔn 'gü. -A -gen -mü =dhe 'ö sü yi 'yi- ma- 'ka bha- -bha 'ö nu 'ö zun -dɛɛ -bha, yi -bhea -dhe "tüng -gban "pepe 'gü kö -yö ka pa 'wɔndɔdhe 'ö -gban -a dhɔɔbhaawɔn -nu kē -sü -bha bha- 'ka, kö -yö ka gba "yaa ki waa- -gɔgüsédhe 'ö- -bha 'Nii- -ya nu me -dhe bha- 'ka. ¹⁰Kē "dhü kö ka "ta -kɔ -yö bho kwa Dēme -bha mɛ -nu "ta -kɔ -bha, kē "dhü 'zü kö ka "dhia -yö ma- 'gü =dedewo -kɔ -gban -kɔ -gban 'gü, kö 'ka kē 'wɔn -së suu -gban "pepe 'do 'do kēme 'ka kö ka -bha Atanna dɔ -sü bha- 'bha -da -ta -kpeawo. ¹¹Yi -bhea Atanna -dhe 'pö kö -yö ka faan dɔ -kɔ -gban "pepe 'gü -a -bha 'gügbudhe 'ö- "dhiütodhe 'yaa 'dhö bha- 'ka, kö 'wɔn "gbu- -zian -në =ya kē ka 'ka -a -wu -wɔn 'gü, kö ka zuë" -yö kē- 'gü -sea. ¹²-Ka ka wēë "pu kö 'ka kwa Dē Atanna 'ö ka -kē 'kean- pē 'ö- -ya 'me 'wo bɔ 'ö 'ka -a -nu -gɔ -a -slɔɔ -mɛ 'ka -dhepuudhe 'gü -a -bha zian -ta bha- nue" bho "pepedhö. ¹³Yö -në kwa "vlɔ dɔ 'wɔn yaa -gɔ 'yö kwa -kɔ bho Sɔtraan -gɔ kpö -wlöö, 'yö kwa bɔ 'ö Gbö 'ö- -dho -ya -kē "mlümlüsü bha- -bha medhe 'gü, ¹⁴-A Gbö bha -në 'kwa bɔ- -ta 'yö kwa kē -sɔng -nu -mawɔn 'to, -a -gen -mü -dhe yö -nɛ kwa fië bho Sɔtraan -gɔ.

Klisi 'dhö me suu 'ö- 'ka waa- 'pē 'ö- -kē -a -dhiang 'ö Pɔdhö -ya zē

¹⁵Atanna -zē mɛ 'bha "yan 'yaa -kpan -bha. 'Kwa- dɔ 'mɛ 'ö- "piü yö -mü -a Gbö 'ö- -bho -bha 'ka bha -në- 'ka. -A Gbö bha -në pē "pepe 'ö Atanna -ya -da -a -gban -gɔme 'ka. ¹⁶-A -gen -mü -dhe pē "pepe 'ö- -da bha -ya -da yö -në- -kɔ -ta. Pē "pepe 'wo dhang- 'gü oo, 'wo "kpung =taa oo, -a 'dhe mɛ "yan -ya yö oo, -a 'dhe mɛ "yan 'yaa- yö oo, -ya -gban "pepe -da yö -në- -kɔ -ta. "Yina suu "pepe 'ö 'gügbudhe 'dhö- -nu -gɔ, "ɛɛn pē "pepe 'ö -blüédhe -gbloo 'dhö- -nu -gɔ, =bhlëépē -nu "ɛɛn ziömɛgɔpē -nu, "ɛɛn pē -nu 'ö "sɪ dhö- -nu -dhe bha, -yö -bɔ Yesu -në- -ta 'yö- -nu -da. Klisi -në pē "pepe bha- -gban -da, 'yö- -nu -ya 'ö -bha -ya 'gü. ¹⁷Yö 'ö bha -yö -gun pē -gban "pepe "dhiü. Pē "pepe 'ö Atanna -ya -da -a -gban "pepe gën -yö -gban yö -në- -bha. -A -bha 'gügbudhe -në- -wɔn 'gü 'yö pē "pepe bha- -gban 'wo wo "gbluv 'gü =dɛɛ, 'yö- 'bha 'yii bho "gbluv do. ¹⁸Atanna -bha 'kodhigüme -nu -gban "pepe -lookota -sü -kē -dhe mɛ -dhü do -në- 'dhö, Yesu bha -në- -nu -gɔ 'ka, yö 'ö bha -në -tosea -dee 'ö 'yaa yën bha- zübhodhe 'ka, yöö do bha

-në me "pepe 'wo -bho ga -sü 'ka 'yi bha- 'ka 'ö nu 'ö zun- 'ka -dɛɛ -bha bha- me -blɛɛsü 'ö -ya -bö -a 'ka, kɛ "dhü kö yö -në -yö kɛ pɛ -ɟban "pepe -ɟo 'ka. 19-A -gen -mü -dhe -yö -dhi Atanna -dhe kö ö dɔ -kɔ -ɟban "pepe suu -yö kɛ Klisi -ɟo. 20 Atanna -bɔ Klisi do bha- -në -ta 'yö waa ö kɛpɛ "pepe 'wo dhang- 'gü oo, 'wo "kpung =taa oo, wo -kɔ wü 'koo, 'yö ö -siödhewɔn bho wo -zinng 'gü -a =yɔɔn 'ö -wɛnng "dhü -bha bha- -wɔn 'gü.

21 Yö -në- -wɔn 'gü 'yö ka 'ö 'ka gun- 'ka -ɟbleɛn, 'ö 'ka gun- 'yaa- 'ka ka -zɔgɔngüwɔn -nu waa- ka kɛwɔn yaa -nu -wɔn 'gü bha, 22 'yö -ya keng- -nu ka -kɔ 'wü 'koo dɔ 'kwa- wo ya- 'gü, ga 'ö- wo mɛbhudhe -dhe -kwi 'gü bha- -wɔn 'gü. Kɛ "dhü kö 'ka kɛ 'me 'ö- -nu -ya -dɪ -ta, 'ö 'wo 'slüüslü, 'ö pö 'aa- -nu -bha ö wɛëdhö -a 'ka. 23 "Kɛɛ "sanni -yö kɛ "dhü, kö 'ka dɔ -në wo ka -dɪ -ɟo ɟbɛnngdhö, kö ka -gen 'yii bho ka =wlöö 'dhang -bho Yesu "dhiü -sü 'ö 'ka- =slɔɔ Atanna -wu 'ka- ma, 'ö 'wo- pö -sü 'ka -a -bha -da -pɛ suu "pepe 'ö "kpung =taa yö -a -ɟban -dhe, 'ö mang Pɔdhö -mɛ 'a- -yame do 'ka bha- 'gü, kö 'kii ka =taa zun- -ɟo.

Saan" 'ö Pɔdhö -ya wo Klisi -bha yë -wɔn 'gü -a -dhiang 'ö- zë

24 N -nii -yö -da sië =taamasü ya- 'gü sɛë 'a- bho sië ka -wɔn 'gü bha- -wɔn 'gü. -A -gen -mü -dhe 'ma- kɛ "dhü kö Atanna -bha yë -në a- kɛ sië. -A -kɛ "dhü -sü =bhlɛë -yö 'kpii-. A- 'wɔn -dɔ -dhe 'ma saan" "dhü kö a -saan me "pepe 'wo Klisi -bha me 'ka 'ö 'wo -dhe- -dhü 'dhö bha -në- -nu -wɔn 'gü. Kö saan" 'ö- -dhe 'dhö- bha -dhe Yesu -bha me -nu -wa wo bha -në mang -dɪ 'pö 'a n -bha wo sië bha. 25 Atanna -yö n -sü kö 'ö n -ya ö -kɔdhiüme -në- 'ka ka kpö 'gü. Kɛ "dhü kö 'a ö -wu -ta "pu me "bhu- -nu -dhe kö -a -dhe 'bha 'ya 'dho 'to -bin 'gü. Yë bha -në 'ö- dɔ -sü 'ka n -kwɛɛ- kö 'a- kɛ ka kpö 'gü. 26 -A -gen -mü -dhe 'wɔn 'ö gun Atanna -zu "piü 'ö -bho 'ka yibha -yibha -yibha 'ka 'ö 'yii- -ta "pu 'nu me 'bha -dhe do bha -në =yaa- -ta "pu 'me 'wo bɔ ö 'ka -a -nu -dhe "töng ya- 'gü bha. 27 -Yö -kɛ -zianwo -a -dhidhewɔn 'ka kö 'ö 'wɔn 'ö -bin -sü 'ka "dhü, 'ö- -bha -kɛ -sɛ -sü waa- =bhlɛë -kɛ 'kpii- -sü -naa 'yaa 'dhö bha 'ö- -ta "pu 'me 'kaa Zuifö 'ka, 'ö 'kaa- dɔ 'nu -blɛɛsü bha me -ɟban ka -dhe. 'Wɔn -sɛ 'ö ka -zu 'yaa gun- -kɛ ka -dhe -wɔn -bha "kɛɛ 'ö Atanna -ya -ta -pu ka -dhe "töng ya- 'gü bha yö -mü Klisi -bha nu -sü kö -yö -ya ka zuëpiüwɔn -në- 'ka. Yö -në -ya kɛ "dhü 'yö 'ka dho- 'wɔn dɔ -dhe ka -dho mɛdhe kɛ- "piü -dhekpɔ dhia" 'gü tɛan- 'ka. 28 'Wɔn 'ö- -wɔn 'gü 'yö 'yi Klisi -wɔn -dhiang zë me -ɟban "pepe -dhe, 'yö 'yi -dhio dɔ- -nu -ta 'do 'do 'ka, 'yö 'yi -ya mü 'zü 'yi- -nu -draan Atanna -wɔn -bha 'wɔndɔdhe 'ka -kɔ -ɟban -kɔ -ɟban suu 'gü bha 'yö bha. Kɛ "dhü kö me "pepe 'wo -kplü -sü 'ka Klisi -bha kö 'yi -wo -nu 'ka Atanna -kuu "dhiü kö -wa -kian -a -wɔn 'gü. 29 Yë 'ö "dhü bha -në 'a- kɛ sië faan 'kpii- 'ö Klisi -ya nu n -dhe bha- 'ka 'yö 'a- -ta -ko zë sië 'gügbudhe 'ö faan bha -ya nu n -dhe bha- 'ka.

2 1 'Pɛ 'ö- -wɔn 'gü 'yö 'a- pö "dhü bha- yö -mü -dhe -yö n "piü =dhe 'me 'wii 'yan -kpan n wɛëdhe -bha do -dhe Kodhəsö -mɛ -nu ka 'dhö, "ɛɛn

-dhe Dhaodise -mɛ -nu 'dhö bha, 'ka- 'wɔn dɔ =dhe yê 'a- kè siê ka -wɔn 'gü bha -yö -dhe -gblü -nê 'dhö n -bha. 2A -gblü bha- -gɔn 'dhü -bheɛ Atanna -dhe -sü 'ka kö ka =nê ka -zu -yö -gban -kɔ =gban -kɔ =gban 'gü, kö ka 'yan "dhiü- -nu "pu "pɛpedhö, kö "sika 'bha -bha 'bha 'ya 'dho kè ka 'gü, kö Atanna -bha -bin 'gü -wɔn 'ö -kê Klisi -wɔn ('ö- 'gü 'dhö tii mɛ 'bha -nu 'gü) bha- 'ka bha 'ka- 'gü ma 'kpakpadhö, kö ka -dho ka 'ko kè, kö ka -kɔ 'to ka 'ko =kweng yi =gban 'ka. 3-A -gen -mü -dhe "yaaki waa- -gleng -sê -zê =gban "pɛpe suu- -slɔɔ Klisi =nê- 'gü.

4'Wɔn -nu bha- pö 'a- wo ka -dhe "dhü bha- -gen -mü -dhe kö mɛ 'bha 'ya 'dho nu 'ö "kpɛnng- -kê ka -gɔ "dhidhe "nɛɛnɛdhe -bha. 5-A -gen -mü -dhe 'kö =ya kè =dhe n =dede "yaandhe 'yii kè ka "piü mü "kɛɛ a n -zu -gɔn 'ka -wɔn 'ka -kpɛawo, a- 'wɔn -dɔ =dhe ka "ta -kɔ -yö -sê Atanna -bha zian -ta, ka -kɔ -yö ka 'ko =kweng, a- 'wɔn -dɔ =dhe ka yun =ya "se 'kun 'dhang -bho Klisi "dhiü -sü 'gü. -A kè 'ka- wo "dhü bha- 'yɔn -yö n -zu =dedewo.

Klisi -bha kwa -bho -kpla 'gü -kɔ -dhiang 'ö Pɔdhö -ya zê

6=Dhe 'ö "dhü, =dhe 'ö -kê =dhe 'ka "wɔ Klisi -bha -kê ka -bha Atanna, ka Dɛmɛ 'ka -wɔn -bha bha, -a -dheɛ -bha =dhe 'ka yö =nê- 'gü -ta 'sü kö ka -kɔ -ya =kweng. 7Kö ka yun -yö "se 'kun, kö 'ka dɔ gbɛnngdhö -zu -yö -a -dhe -sü 'gü 'wɔn "pɛpe 'wo ka -draan- -bha kö 'ka kè- -bha 'ka bha- -kun "gbu- -sü 'gü, kö 'ka Atanna nuɛ" bho yi =gban 'ka kö 'ka- 'badhika -ya -ta.

8=Ya 'go yö -zê 'gü, -ka kè ka 'suan- 'ka kö mɛ 'bha -kɔ 'ya 'dho =mɔɔ ka -bha 'ö "kpɛnng- -kê ka -gɔ 'wɔn -zunkodhiü kè -kɔ 'ö go mɛ "bhu- 'gü 'ö- zü -gban 'gü 'yaa 'dhö bha- 'ka 'ö 'ka -kan Atanna -bha. -A -gen -mü -dhe 'wɔn -nu 'wo- pö "dhü bha -wo -gban "kpung =taa -wɔn -nu =nê- -bha, -a 'bha 'yii 'go Klisi "piü, 'sa 'wɔn 'dhe 'kö -kê mɛ "bhu- -dɔ -zugɔngüwɔn 'ka, -a 'bha -zundhiü -bhlɔɔ 'yaa 'dhö. 9Klisi bha -nê Atanna "yaandhe =dede 'ö mebhudhe kwi -da 'ö -bha -a 'ka. 10Yö 'ö bha =nê 'ka pè =gban "pɛpe =slɔɔ- "dhiü 'yö- "piü 'yaa 'to. -A -gen -mü -dhe yö =nê Atanna -ya -ya "yina suu =gban waa- -kɔ -ziö mɛ "bhu- -gɔ -pè =gban "pɛpe suu -gɔ "dhiü.

11=Ya 'go yö -zê 'gü, ka -bha -bɔ Klisi 'ka -sü bha =nê ka go 'gbannê =dede 'gü. 'Ö Zuifö -nu -gɔ "se 'gü, mɛ =ya 'go 'gbannê 'gü kö mɛ =gban =waa- 'wɔn dɔ =dhe =ya bɔ Atanna 'ka. "Kɛɛ -a -nu -bha -bɔ Atanna 'ka -kɔ 'ö "dhü bha -wa -kê wo -kɔ 'ka. Ka -bha 'kö bha 'yaa =dhe -a -nu -bha 'dhö, ka -bha 'kö bha Klisi =nê- -kê 'yö 'ka ka bo -tosea kè -kɔ yaya -nu bha- 'ka, 'yö ka kwi bho 'wɔn yaa kè -sü -gɔ =dhuəngdhe 'gü. 12'Pè 'ö- -kê "dhü bha yö -mü -dhe: Ka -bɔ Yesu 'ka -zu 'wo- bho bha =wa ka 'ma "yi =wlöö, kö =ya kè =dhe kaa- Klisi -nu 'ka ga ka "kwëë =wa ka bun bho, ka -go "yi =wlöö -sü bha kö kaa- Klisi -nu 'ka -bö, kö faan 'ö Atanna -ya -da 'gü 'ö go- 'ka =geebɔɔ 'ö -bö bha =ya -da 'pö ka 'gü, 'dhang 'ka- bho- "dhiü bha- -wɔn 'gü 'yö 'ka -tosea suu -dee -kê. 13Yö =nê- -wɔn 'gü 'yö 'mɛ 'ka kè 'nu Atanna -gɔ =dhe mɛ =gee 'dhö =dhe 'ö -kê =dhe 'kaa 'go 'gbannê 'gü ka kwi -bha =dhe Zuifö -nu 'dhö,

waa- ka këwɔn yaa -nu -wɔn 'gü bha, 'yö =ya kaa- Klisi -nu ka bho ga 'gü -gasite 'ö- -kë kwa -dhe 'ö kwa kë -sɔng yaa -nu =gban "pepe -mawɔn 'to bha- -wɔn 'gü bha. ¹⁴"Wɔ 'ö Atanna -ya wo- -bha kö -wo Yesu dɔ "dhü -bha bha =në 'ö zë- -wɔn -dhe 'yö kwa -zë za 'ka -wu 'ö gun -ben zë -sü 'ka -a -go 'sëédhe 'gü 'ö- -bha 'tɔng- yöö kwa 'kun 'nu- -wɔn 'gü, -a -bha zadɔyi 'ka bha 'yö =yaa- =gban bho- -bha, 'yö =ya kë kwa -mawɔn 'to -kɔ 'ka, -a -gen -mü -dhe -ya yö =në- =gban -kwɛɛ dhu Yesu -ta 'yö dɔ- 'ka "dhü -bha bha. ¹⁵"Wɔ 'ö Atanna -ya wo- -bha kö Klisi -yö ga "dhü -bha "dhü bha =në -kë "yina yaa "pepe 'ö "sɔ 'dhö- -nu -dhe waa- -ziö mɛ -go -pë =gban "pepe suu 'kpeebhodhe 'ka 'yö kpɔɔ -pɛ 'ka- -nu -bha. -Ya -zɔn ("kpungtaapë "pepe =gban -dhe) "tüng bha- =në- 'gü =dhe ö -kɔ =ya ziö- -nu -go, -dhe 'tɔbhɔdhe -yö ö -go 'ö -ziö pë "pepe bha- =gban -bha -ta.

¹⁶-A -kë "dhü -sü bha- 'gü, 'ka 'dho "wɔ- -bha 'ö mɛ 'bha -ya pö 'wɔn -nu 'ö -gban -bhöpë -nu waa- müpë -nu -wɔn -bha bha- -wɔn 'gü ka -bha =dhe: «-Yö -kë mü =dhe 'yö 'ka- -kë =ni?» "ɛen: «'Yö 'kii- kë =ni?» "ɛen 'wɔn -nu 'ö -gban troo kë -sü -nu oo, "su -dee -ta -gloo wo -sü -nu waa- Zuifö -nu -bha =glooyi -wɔn -nu -bha bha 'ka 'dho "wɔ- -bha 'ö mɛ 'bha -ya pö ka -dhe =dhe: «-Yö -kë mü =dhe 'yö 'kaa- wo?» "ɛen: «'Yö 'kaa- -nu -ya =bhlëë 'gü?» ¹⁷-A -gen -mü =dhe "kian 'kpɔ -sü bha -yö -gun 'wɔn 'ö Atanna yöö- kë =në- "blɛen- 'ka, "kɛɛ 'wɔn 'ö "dhü bha- tɛanwɔn =dede 'ö- 'gü yö -mü Klisi =në- 'ka. ¹⁸'Ka 'dho "wɔ- -bha 'ö 'ka ka -go "gblëenu 'mɛ 'ö- pö ö -dɔ -dhe =dhe ö Atanna -bha 'tɔng- -ya =bhlëë 'gü, ö "kian -nu bha- =gban -kun "ɛen 'ö Atanna -bha "kië -nu -dhɔkë, "ɛen ö "yan 'gü =ya -da 'wɔn 'bha 'ka bha- -dhe 'ö 'ka 'dhang bho- 'dhiü -kɔ =gban -kɔ =gban 'gü 'ö tée bho ka 'gü. -A -gen -mü =dhe 'mɛ 'ö "dhü bha kö "kpungtaadhe ya- 'gü zuëga =në -tun "gblüü-, yö =në- -wɔn 'gü 'yö ö -dɔ sü 'kpüi- "wlaa- 'gü "wɛɛwɛɛ "dhü bha. ¹⁹'Mɛ 'ö "dhü bha 'yaa kë -kplü -sü 'ka Klisi 'ö =dhe Atanna -bha mɛ =gban "pepe -go 'dhö bha- -bha. Mɛ suu 'ö "dhü bha kö -yö ö -dɔ -zian =në- kë sië. -A -gen -mü =dhe Klisi -bha 'kodhigümɛ 'wo =dhe- -dhü 'dhö, 'ö- -go 'ka bha -yö -kpea =dhe -kɔ 'ö 'në -yö -kpea- 'ka bha =në- 'dhö, -a -gen -mü =dhe 'në -fasa -nu waa- =miëë -nu bha =në 'wo- dɔɔ -nu -gban 'kwëë- 'yö 'ko kun glengdhö. "Gla -kɔ 'ö Atanna -ya -ya ö -bha mɛ -nu -bha 'ka -yö -kë 'pö -kɔ do bha- =në- 'gü 'yö -kë -a dhɔɔbhaa 'ka.

²⁰-Ya kë =dhe kaa- Klisi -nu 'ka ga ka "kwëë =dedewo tɛan- 'ka 'wluu- 'vlanvlan -nu 'ö "kpungtaame -nu -wa -ya bha- -go, kö- -nu -zun ka "dhiü -gen 'yaa 'dhö 'wɔn -nu bha- 'gü kö 'ka -tosea kë 'zü -deewo =dhe 'mɛ 'waa Atanna dɔ -a -nu 'dhö. ²¹Kö -a -pö ka -dhe -gen 'yaa 'dhö 'zü =dhe 'bha 'dho 'pë bha- 'sü, 'bha 'dho- din ga, "ɛen 'bha 'dho zun- -bha! ²²-A -gen -mü =dhe 'tɔng- -nu 'wo "dhü bha mɛ "bhü- -nu =në 'wo- -ya "kɛɛ Atanna -zë -yö pë -nu bha- -nu -da kö -wo kë kwa -bhöpë waa- kwa -mawɔn -kë 'ka -pë =në- 'ka. ²³'Tɔng- -nu 'wo "dhü bha -yö "dhü tɛan- 'ka =dhe mɛ 'dhö- -nu -ya sië =bhlëë 'gü -yö -kë mɛ "bhü- -nu 'gü -së, 'ö mɛ bho Atanna =bhlëëyame

-dede -bha, 'ö me -yö me 'gü -siö me -yö me kwi -wëédhe bho, 'ö -ya kè 'ö -kè -dhe -gleng -sè 'dhö, "kɛɛ 'sa kö- ɛtrɔɔn 'bha -bha 'bha 'yaa 'dhö. -Yö -kè me -dɪ kɛwɔn "dhia -ma me 'gü -sü -nè- 'ka "wɛɛwɛɛ.

3 ¹-A -kè "dhü -sü bha- 'gü, -dhe 'ö -kè -dhe Atanna -ya kaa- Klisi -nu 'ka bho ga 'gü bha, pè -nu 'wo Atanna "piü, -yaa 'ö Klisi 'dhö -ya -sü 'ka- 'gü -a -kɔ -sè 'gü dhang- 'gü bha- 'gü bha -nè- -kaa -ta kɔɔ-. ²A- -pö ka -dhe -dhe 'ka -ya pè -nu 'wo dhang- 'gü bha -nè- -nu zuèn -ta kö 'ka ka kwaa- "kpungtaapè -nu bha- -wɔn -zü. ³-A -gen -mü -dhe ka -dhe 'me 'ö -ya ga -nè- 'dhö pè "pɛpɛ bha- -nu -gɔ. -Tosea -dee 'ö kaa- kè bha waa- Klisi -nu -wo -bin -sü 'ka Atanna -nè- 'gü. ⁴Yi 'ö Klisi 'ö kaa- -tosea -dee 'ka bha 'ö dho -wo 'ka "yaa-, 'yö kaa -dɪ 'pö 'ka -wo 'ka "yaa- 'tɔbɔdhe 'gü.

-Tosea zii 'ö -bleesü waa- -dee 'ö Klisi 'gü -a -dhiang 'ö Pɔdhö -ya zè

⁵-Dhe 'ö "dhü, 'wɔn yaya 'ö- kè -dho -yö me -kè "kpungtaadhe ya- 'gü bha, -ka ka kwaa- -gban "pɛpɛ kè -sü -zü kö 'ka ka wè bɔ Atanna "piü. -Zua zè -sü oo, "yènnɔ dɔ waa- 'wɔn yaa kè -peng -dɔ me -zɔ -bha -sü -nu, me zuè" -bho 'wɔn yaa -bha -sü -nu waa- -naɔ -dho -bha me -kè "dhiü zio 'ka -sü -nu 'ö -dhe 'pö -dhe -gebho -dhəkè -sü 'dhö bha, -ka ka -dɪ 'kun- -gɔ -sè. ⁶-A -gen -mü -dhe 'wɔn suu -nu bha -nè- kɛwɔn 'yaa dhi Atanna -dhe 'yö- -wɔn 'gü 'yö dho 'wɔn wɔ gɔɔgbume -nu -ta. ⁷Sa "töng 'ö 'wɔn yaa -kɔ -yö gun zio -sü 'ka- 'ka kaa- -tosea -gɔ bha ka -gun "ta -kɔ suu bha -nè- kè siè 'pö.

⁸"Kɛɛ dɔ 'kwa- wo -taamasü -ya 'gü ya -ka ka bo 'wɔn suu bha- -gban "pɛpɛ kè -sü 'ka. Zuédhiüdhè oo, bhlɔɔ -ma me 'gü -sü -nu waa- "gblüyaadhe -nu bha -ka ka kwaa- -zü. -Kaa kè -sè kö 'pè 'ö -gban "si bho -sü -bha, "ɛɛn me -dhiang yaa zè -sü -bha kö 'ya 'dho -wo ka "dhi -ta me 'bha -dhe tongtongdhö. ⁹-Dhe 'ö -kè -dhe -tosea kè -kɔ zii 'ka gun- 'gü -bleesü 'ö -ya gun -ya kè ka 'tuü- 'ka bha 'ka ka bo- 'ka bha, 'ka 'dho- pö 'ka -sua kè ka 'ko -nu -dhe 'zü (kè "dhü kö 'ka bho Atanna -bha). ¹⁰-A -gen -mü -dhe -tosea -dee 'dhe 'ka -da 'gü bha -yö me "gla -nè- wo -kpeawo 'ö dho- 'ka "dhiü 'wɔndɔdhe 'gü, -dhe -kɔ 'ö Atanna 'ö kwa -da bha 'ö- 'ka bha- 'dhö. ¹¹-Ya kè "dhü kö 'me 'kö -wa bɔ Klisi 'ka, kö- -nu -gban "pɛpɛ -wa kè me suu do -nè- 'ka, kö yö -nè- -nu -gban "pɛpɛ 'gü, 'ö- -nu -bha 'wɔn -gban -wɔn -gban 'ka. Kö -a pö -sü 'ö -dhe Zuifö -mü n 'ka, "ɛɛn ma -zè 'maa Zuifö 'ka, "ɛɛn yi -zè yi -go 'gbannè 'gü "kɛɛ 'me 'kö 'wo ya -wo -kplèè 'ka, "ɛɛn 'zü 'me 'wo ya -wɔbhlame -nu -mü, yi -zè yi "yan "dhiü -ya "pu, -ɛɛ 'zü 'wɔɔ- -mü yi -zè yi 'ka, 'yö 'me 'kö 'wo ya 'wo -dhuèng 'ka bha kö- 'bhaa 'dhö 'zü. -A -gen -mü -dhe kö Klisi -nè -ya 'to 'wɔn bha- -gban -gɔ 'ka me -gban 'gü.

¹²-A -kè "dhü -sü 'gü n dheebhang -nu, -ka -tosea kè -taamasü ya- 'gü -dhe 'me- -nu -dho -yö Atanna -kè, 'ö -yaa- -nu "zu 'ö -wa kè "slüöslü, 'ö -yaa- -nu 'sü -yaa- -nu -ya -dɪ -ta -a 'dhö. Kö me "bhu- -nu -wëè -yö ka kè

-dedewo, kö 'ka "klu -yö dhi, kö 'ka ka -gɔ 'dho "sia- me =gban "pepe -dhe, kö 'ka kë dhongdhongsü, "kɛɛ kö ka zuë" -yö kë -sea. ¹³Ka =song -yö 'kun bho 'koo. =Ya kë -dhe me 'bha -siödhewɔn =ya kë ö "teado "piü, -ka ka 'ko -nu -mawɔn 'to ka 'ko =zinng 'gü. -Ka ka 'ko -nu -mawɔn 'to -dhe -kɔ do 'ö kwa Dëme -yö ka -mawɔn to- 'ka bha- 'dhö. ¹⁴"Kɛɛ 'wɔn "pepe bha- =gban -gɔ 'ö 'dhö, yö -mü -dhɔ =në- 'ka. Ka -dhɔ -yö ka 'ko kë, -a -gen -mü -dhe -dhɔ bha =në =ya kë ka =zinng 'gü, 'yö ka -kɔ dho kë 'wɔn do -bha, 'yö ka -wu -yö -kë do, 'yö 'ka -kë me do 'ka. ¹⁵Atanna -yö ka -dhe kö zuëwaanüsü -në -yö kë ka -gɔ, kö 'ka kë me do 'ka, zuëyagblüü- 'ö "dhü 'ö go Klisi "piü bha -yö ka pa. 'Wɔn -yö 'to ka "yaan kö 'ka Atanna nue" bho- -wɔn 'gü -kpeawo. ¹⁶-A -dhea -bha -dhe Klisi -wu bha -yö kë ka "tuvdhö yi =gban "pepe 'ka, kö yö -në -yö kë kaa- 'wɔn =gban "pepe zü -gban 'gü 'ka, kö 'ka ka 'ko -nu -klang kë- 'ka, kö 'ka -dhio dɔ- 'ka ka 'ko -nu -ta 'wɔndɔdhe 'ö- nu ka -dhe bha- 'ka, kö 'ka Atanna 'tɔ bho -tan -nu bho ka -sɔbhɛɛ 'ka -a nue" bho -sü 'ka, kö 'ka "gbaɔ bho- -zü, kö "tan -dee 'ö- -bha 'Nii- "slüüslü dho "yi dɔ- 'ka ka -bean bha 'ka- bho ka faan =gban 'ka. ¹⁷'Wɔn "ɔɔ 'wɔn 'ö 'ka dho- kë, "ɛɛn 'ö 'ka dho- pö, -kaa kë kwa Dëme Yesu 'tɔ bho -dhɔ -dhe kö 'ka bɔ kwa Dëme bha =në- -ta kö 'ka kwa Dë Atanna nue" bho 'wɔn -së "pepe 'ö- kë ka -dhe bha- -wɔn 'gü.

**-Kë 'ko "piü -kɔ -së 'ö Atanna -bha zian -ta dhe waa- gɔn
waa- gwëëzë -nu -a -nu -gɔ -a -dhiang 'ö Pɔdhö -ya zë**

¹⁸Dhong -nu 'ö 'ka gwaan- -bha, -ka ka -gɔ 'waanu kaa- gɔɔn- -nu -dhe. -A -gen -mü -dhe dhong -nu 'dhe 'kö =wa bɔ kwa Dëme 'ka, -a -dhea -bha =dhe -wo -tosea kë -kɔ bha =në- 'gü.

¹⁹Gɔɔn- -nu kaa -dɪ 'pö, kaa- dhong -nu -dhɔ -yö ka kë, 'ka 'dho =gbanɔn- -nu -ta 'ö -tosea din -yö -siö -nu 'gü.

²⁰'Në -nu, -ka ka 'kpɔme -nu -wu ma -kɔ =gban -kɔ =gban 'gü, 'me 'ö 'bha -kplü kwa Dëme -bha 'bha- kë -kɔ bha =në- 'gü 'yö -dhi Atanna -dhe.

²¹'Nëdë -nu, 'ka 'dho 'wɔn din -siö kaa- 'në -nu 'gü 'ö- -nu 'gü -yö ga ka -wɔn 'ka 'ö -tosea din -yö -siö -nu 'gü.

²²-Dhuëng -nu, -ka ka dëme -nu 'wo "kpung =taa yö bha- -nu -wu ma -kɔ =gban -kɔ =gban 'gü. 'Ka- kë sië "dhü, -kaa kë "gblüüdhe "puu -ta, -ka zë kwa Dëme -wɔn =në- -dhe kö 'ka- kë "dhü, kö 'ka 'dho zë ka -dhɔ -bha mebhudhe kë -sü -zë -dhe 'ö 'ka- -kë -a -nu "yandhiü -naa doseng. ²³'Wɔn "ɔɔ 'wɔn 'ö 'ka- pö 'ka- kë, -kaa kë ka zuë" "puu 'ka ka faan =gban 'ka =dhe 'pë 'kii- kë me "bhu- -zë -dhe 'ö 'ka- -kë kwa Dëme =në- -dhe -a 'dhö. ²⁴-Ka 'dhang bho- "dhiü =dhe ka Dëme =dede 'ö 'dhö 'ö 'ka 'wɔn -nu bha- kë sië- -dhe bha yö -mü Klisi =në- 'ka. =Dhe ka =trɔɔn =dede 'ö 'dhö yö -mü -dhekpaɔ dhia" saan 'ö Atanna -ya -ya -bɔ 'ö 'ka -me -nu -gɔ bha =në- 'ka. ²⁵-A -gen -mü =dhe 'wɔn =gban "pepe =trɔɔn- -dhö. Me "ɔɔ me 'ö =ya 'wɔn yaa kë, -a =trɔɔn 'ö =mɔɔ- -bha Atanna -dho nu- -dhe, -a -gen -mü =dhe 'yaa bɔ me 'bha 'ka =flü -wɔn 'gü.

4 ¹Gɔme -nu, kaa -du 'pö -a -naa kē ka "yaan -dhe ka -gɔme -mü Atanna 'ka 'pö dhang- 'gü, kö 'ka kaa- -dhuengzē -nu 'kun -sē, kö 'wɔn 'ö -kē me 'ka 'wɔn 'ka -nē- 'ka- kē- -nu 'ka.

²Ka 'gü 'ya 'dho ga -bhea Atanna -dhe -sü 'ka, -ka -ya ka "yaan -a kē "dhü -sü 'gü yi -gban "pepe 'ka kö ka- nu" bho siē -kpeawo. ³'Ka bhea" siē "dhü, -ka bhea" 'pö yi -wɔn 'gü kö -yö zian bho yi -gɔ kö 'yi- -wu "dhiü -loo me -nu -bha -dhe yö, kö Klisi -wɔn 'ö -bin -sü 'ka me "bhu- -nu -gɔ 'ö 'waa- dɔ bha 'a- -ta "pu- -nu -dhe 'kpakpadhö, -a -gen -mü =dhe a -kaso 'gü yö -nē- -wɔn 'gü ya, ⁴"kē kö 'ma- pö, kö 'a- pö "pepedhö, kö 'yi 'ya 'dho kē- "piü, "kē kö -yö kē =dhe -kɔ 'ö- -dhe 'dhö- -bha -dhe 'a- kē- 'ka -nē- 'dhö, -a -gen -mü =dhe -a "kpläng -nē Atanna -ya bho n -bha.

⁵-Ka -tosea kē =kpaodhe -bha 'me 'waa 'dhang bho Yesu -wɔn "dhiü- -nu "piü (kö ka "klu- dhi- -nu -bha), keng- -nu 'ka kē -dhe do 'gü, -ka Klisi -wɔn -dhiang zē- -nu -dhe -kpeawo, -a -gen -mü =dhe "töng -nē ziö siē bha. ⁶Ka -wu -yö kē "neene yi -gban "pepe 'ka kö me "su me 'ö -yaa- ma, kö- din- 'to- -me "tuɔ, kö 'ka me 'ö "dhü -a -bha dhiang -yɔ bɔ -kɔ mɔɔ- kö 'ka- bɔ- 'ka- -me -gɔ.

-We -nu 'ka -naɔ 'ö Pɔdhö -ya bɔ Kodhɔsɔ -me -nu -dhe

⁷Kwa dheebhang dhɔɔbhaa -sü Tisikö 'ö bho 'ö -wu -bha, 'ö kwa Deme -ya -ya 'ö -kɔ "dhiü 'pö, 'ö yeng- 'yi- -bha yē kē siē bha -yö nu siē ka -dhe 'gü, yö -nē dho 'wɔn 'ö n -bha -a pö ka -dhe 'kpakpadhö. ⁸-A "dhiü -nē 'a- -wli- -bha 'yö 'a- bɔ. Kē "dhü kö 'wɔn 'ö yi -bha 'ka- dɔ, "kē kö -yö ka faan dɔ 'pö. ⁹A waa- Onezimö 'ö kē kwa dheebhang dhɔɔbhaasü 'ö bho 'pö 'ö -wu -bha, 'ö -kē Kodhɔsɔ mi 'ka 'pö -dhe ka 'dhö bha -nē- -nu bɔ. Wo -nē 'wo dho 'wɔn "pepe 'ö yi -bha -a -gen dɔ ka -dhe "pepedhö -sē 'ka.

¹⁰Adhitakö 'ö -kaso 'gü 'pö n "piü yö bha -ya ka -tua bho, Makö 'ö -kē Banabasö dē dheebhang bha 'nē 'ka bha, -ya ka -tua bho 'gbɛ. Makö bha -nē 'a- nu -wɔn to "dhiü 'a- pö ka -dhe bha, -ya nu yi 'ö- 'ka kö -yö -loo mü, -kaa -dhang 'kun -sē 'ka. ¹¹Yesu 'wo- 'tɔ -ya -ta -dhe Zutusö bha, -ya ka -tua bho 'pö. Zuifö -nu 'ö -wa 'dhang bho Yesu -wɔn "dhiü -a me -yaaga bha -nē 'wo n -ta 'kun siē Atanna -bha yē kē -sü -bha (kē "dhü kö me -dee 'bha -nu -wo -da -a -bha -gblüdedhe bha- 'gü). Wo -nē 'wo n faan dɔ -dedewo Atanna -bha yē bha- kē -sü -bha.

¹²Epaflasö 'ö -kē 'pö ka 'gü 'nē 'ka bha, -ya ka -tua bho 'gbɛ. Yesu Klisi -bha gwëemi =dede -mü. -A 'gü 'yaa ga -bhea ka -wɔn 'gü -sü 'ka, -yö -bhea Atanna -dhe 'ö faan -gban "pepe 'ka ka -wɔn 'gü, kē "dhü kö ka yun -yö "se 'kun -a -bha zian -ta, kö 'ka -kian -a -wɔn 'gü -kɔ =gban -kɔ =gban suu 'gü, kö 'ka- dhɔɔbhaawɔn -nē- kē. ¹³A -mɔɔ -bha 'a- pö ka -dhe =sii =dede -ta -dhe: Epaflasö bha -yö sē bho siē 'me 'ka bha oo, 'me 'wo Dhaodise oo, 'me 'wo Edhapodhi ka -wɔn 'gü =dedewo, -a -gen -mü =dhe ma -zē n "yan -ya -dhe 'gü. ¹⁴Kwaa- -dhɔɔrɔɔɔn dhɔɔbhaasü Dhukö waa- Demasö -wa ka -tua bho 'gbɛ.

¹⁵-Ka yii- =tuabhonaɔ dɔ 'pö kwa dheebhang -nu 'wo Dhaodise -pö 'gü -a -nu -gɔ. Kö 'ka Nifasö 'ö mü bha- =tua bho n -dhe, kö 'ka- pö Atanna -bha 'kɔdhigümɛ -nu 'wo =loo sië wo 'ko -ta -a -gɔ 'kɔɔdhö bha- -nu -dhe 'ma- -nu =gban "pɛpɛ =tua bho 'gbɛ. ¹⁶=Ya kë -dhe 'sëédhe ya 'ka- =slɔɔ, 'ka ka bo- -wu pö -sü 'ka, -kaa bɔ Atanna -bha 'kɔdhigümɛ -nu 'wo Dhaodise -nu -dhe 'pö kö -wa -wu pö, kö- 'dhe 'a- bɔ- -nu -dhe 'pö 'ö dho 'go mü 'ö nu ka -dhe bha 'ka- -wu pö 'pö.

¹⁷=Ya 'go mü -kaa pö 'pö Asipö -dhe =dhe -yö yë 'ö kwa Dëmɛ -ya nu- -dhe bha- 'kun "gbu- -kɔ =gban -kɔ =gban 'gü kö -ya kë ö kë -kɔ -ta.

¹⁸=Tuabhonaɔ ya mang =dede =në 'a yö -zë -ben zë. Ka -zu 'ya 'dho bho n -kë -kaso 'gü -wɔn 'ka. Atanna -yö -gasitë kë ka -dhe -kpɛawo.